

Bwrdd Iechyd 20/05/2021	 Bwrdd Iechyd Prifysgol Betsi Cadwaladr University Health Board
Gwella iechyd a darparu gofal rhagorol	

Adroddiad Cadeirydd y Pwyllgor

Enw'r Pwyllgor:	Grŵp Llywio'r Fframwaith Gwella Ymyriadau wedi'u Targeddu (TIIF)
Dyddiad y cyfarfod:	4.3.21, 21.4.21 a 4.5.21
Enw'r Cadeirydd:	Gill Harris, Dirprwy Brif Weithredwr/Cyfarwyddwr Gweithredol Nyrsio a Bydwreigiaeth
Cyfarwyddwr Cyfrifol:	Gill Harris, Dirprwy Brif Weithredwr/Cyfarwyddwr Gweithredol Nyrsio a Bydwreigiaeth
Crynodeb o'r busnes a drafodwyd:	- Cyfarfod cyntaf 4.3.21: Cytuno ar gylch gorchwyl; adolygiad o'r TIIF a gyhoeddwyd gan Lywodraeth Cymru; cynnydd o ran datblygu matricesau aeddfedrwydd; rhaglen ymgysylltu ymyriadau wedi'u targedu 21/04/2021: Matricsau aeddfedrwydd wedi'u diweddarau; creu dogfen ganllaw matrices aeddfedrwydd; paratoi ar gyfer sesiwn ymyriadau wedi'u targedu gweithdy'r Bwrdd gan gyfeirio'n benodol at fethodoleg sgorio hunanasesu a rôl yr 'IM Buddy' 4.5.21: paratoi cyfarfod ymyriadau wedi'u targedu Llywodraeth Cymru – adolygu'r set sleidiau PowerPoint
Y prif elfennau sicrwydd a ddarparwyd yn y cyfarfod hwn:	- Mae trefniadau llywodraethu ar waith i oruchwyllo cynnydd ymyriadau wedi'u targedu drwy oruchwyliaeth y Grŵp Llywio - Mae gwaith yn mynd rhagddo i lenwi'r matricesau aeddfedrwydd ym mhob maes, gydag ymgysylltu a pherchnogaeth gadarnhaol ar lefel tîm
Y prif risgiau, gan gynnwys camau lliniaru a cherrig milltir	Mae risg o gynnydd annigonol ar y daith wella; bydd goruchwyliaeth y Grŵp Llywio a chraffu ychwanegol gan 'link IM buddies'
Rhoi sylw i Barth Fframwaith Gwella Ymyriadau wedi'u Targeddu	Pob un
Materion i'w cyfeirio at Bwyllgor arall	-

Materion y mae angen eu huwchgyfeirio i'r Bwrdd:	-
Egwyddor Datblygu Cynaliadwy dan Ddeddf Llesiant Cenedlaethau'r Dyfodol	1. Cydbwyso'r angen yn y tymor byr gyda chynllunio hirdymor ar gyfer y dyfodol – a gaiff sylw gan y parth strategaeth, cynllunio a pherfformiad. 2. Gweithio gyda phartneriaid eraill i gyflawni amcanion – sy'n cael sylw yn y gwaith ymgysylltu 3. Cynnwys y rheini sydd â diddordeb a cheisio eu barn – sy'n cael sylw yn y gwaith ymgysylltu; 4. Defnyddio adnoddau i atal problemau rhag digwydd neu waethygu – drwy ddyraniad cyllid Llywodraeth Cymru; 5. Ystyried yr effaith ar yr holl nodau llesiant gyda'i gilydd ac ar gyrff eraill – sy'n cael sylw drwy waith ymgysylltu.
Busnes arfaethedig ar gyfer y cyfarfod nesaf:	• Adborth ar gynnydd gan Lywodraeth Cymru • Diweddariadau i'r matricesau aeddfedrwydd.
Dyddiad y cyfarfod nesaf:	01.6.21.

Bwrdd Iechyd Prifysgol Betsi Cadwaladr

Cylch Gorchwyl a Threfniadau Gweithredu

Grŵp Llywio'r Fframwaith Gwella Ymyriadau wedi'u Targedu

1. CYFLWYNIAD

- 1.1. Bydd y Bwrdd yn sefydlu grŵp am gyfnod byr a threfniadau llywodraethu cysylltiedig, a elwir yn **Grŵp Llywio Ymyriadau wedi'u Targedu (Grŵp Llywio'r Fframwaith Gwella Ymyriadau wedi'u Targedu)** i fodoli dim ond pan fydd y Bwrdd Iechyd o fewn y Fframwaith Gwella Ymyriadau wedi'u Targedu fel y cytunwyd arno gyda Llywodraeth Cymru. Mae'r cylch gorchwyl a'r trefniadau gweithredu manwl ar gyfer y cyfarfodydd hyn wedi'u nodi isod.

2. PWRPAS

- 2.1. Pwrpas Grŵp Llywio'r Fframwaith Gwella Ymyriadau wedi'u Targedu yw cynghori a sicrhau'r Bwrdd ar effeithiolrwydd y trefniadau sydd ar waith i ymateb i'r Fframwaith Gwella Ymyriadau wedi'u Targedu a bennwyd gan Lywodraeth Cymru. Bydd y Grŵp yn gyfrifol am gasglu, asesu, sicrhau a rhoi tystiolaeth i'r Bwrdd o effaith y camau gwella a gymerwyd ac yn gwneud argymhellion i'r Bwrdd mewn perthynas â'r hunanasesiad.

3. PWERAU DIRPRWYEDIG

- 3.1. Mae Grŵp Llywio'r Fframwaith Gwella Ymyriadau wedi'u Targedu wedi cael ei awdurdodi gan y Bwrdd i wneud y canlynol:
- 3.1.1. Sicrhau bod gan y Bwrdd Iechyd ddull gweithredu cydgysylltiedig ac effeithiol ar gyfer y Fframwaith Gwella Ymyriadau wedi'u Targedu;
 - 3.1.2. Sicrhau bod trefniadau allweddol sy'n hanfodol i sicrwydd yn ddigonol, gan gynnwys adrodd, gwneud penderfyniadau, a chofrestrau risg;
 - 3.1.3. Ceisio sicrwydd bod gwersi'n cael eu dysgu ac, os yw'n briodol, bod y dysgu'n cael ei ddefnyddio ar draws y Bwrdd Iechyd;
 - 3.1.4. Goruchwyllo effeithiolrwydd y cyfathrebu â rhanddeiliaid, gan gynnwys Llywodraeth Cymru, cleifion, staff a phartneriaid, gan sicrhau bod niwed i enw da yn cael ei osgoi fel y bo'n briodol;

- 3.1.5. Gwneud penderfyniadau brys ar ran y Bwrdd mewn perthynas â rheolaeth weithredol y newid sy'n gysylltiedig â'r Fframwaith Gwella Ymyriadau wedi'u Targedu ac adrodd yn ffurfiol ar gynnydd ac i bob un o gyfarfodydd cyhoeddus y Bwrdd.

4. AWDURDOD

- 4.1. Caiff Grŵp Llywio'r Fframwaith Gwella Ymyriadau wedi'u Targedu ymchwilio neu efallai ei fod wedi ymchwilio i unrhyw weithgaredd (clinigol ac anghlinigol) er mwyn iddo allu cyflawni ei gyfrifoldebau. Gall ofyn i'r Prif Weithredwr am unrhyw wybodaeth y mae'n ystyried sy'n angenrheidiol er mwyn sicrhau bod materion hollbwysig a thryloywder y Bwrdd llawn yn cael eu gweld.
- 4.2. Caiff Grŵp Llywio'r Fframwaith Gwella Ymyriadau wedi'u Targedu hefyd gael cyngor cyfreithiol neu broffesiynol annibynnol arall os yw'n credu bod hynny'n angenrheidiol, yn unol â gofynion caffael, cyllidebol a gofynion eraill y Bwrdd.
- 4.3. Mae gan Grŵp Llywio'r Fframwaith Gwella Ymyriadau wedi'u Targedu yr awdurdod i ystyried a, phan fydd hynny'n briodol, argymhell bod y Bwrdd yn cymeradwyo unrhyw bolisi neu strategaeth sy'n gysylltiedig â'r Fframwaith Gwella Ymyriadau wedi'u Targedu o fewn cylch gwaith ei gylch gorchwyl.
- 4.4. Mae gan Grŵp Llywio'r Fframwaith Gwella Ymyriadau wedi'u Targedu yr awdurdod i gynnal ac i adolygu Cofrestr Risg y Fframwaith Gwella Ymyriadau wedi'u Targedu a chynghori'r Bwrdd llawn ynghylch pa mor briodol yw'r sgoriau a'r camau lliniaru sydd ar waith.

5. AELODAETH

5.1. Aelodau

- Cyfarwyddwr Gweithredol Nyrsio a Bydwreigiaeth a'r Dirprwy Brif Weithredwr (Cadeirydd)
- Cyfarwyddwyr Gweithredol Iechyd y Cyhoedd
- Cyfarwyddwr Gweithredol Cynllunio a Pherfformiad
- Cyfarwyddwr Gweithredol y Gweithlu a Datblygu Sefydliadol
- Cyfarwyddwr Cyllid Gweithredol
- Cyfarwyddwr Gweithredol Gofal Sylfaenol a Chymunedol
- Ysgrifennydd y Bwrdd

Hefyd yn bresennol

- Cyfarwyddwr Llywodraethu Dros Dro
- Cyfarwyddwr Cynorthwyol Llywodraethu Corfforaethol
- Cyfarwyddwr Cynorthwyol Cyfathrebu ac Ymgysylltu

- 5.1.1. Caiff Aelodau Annibynnol sy'n gyswllt/cyfaill i Uwch-swyddog Cyfrifol yn y rhaglen fynychu unrhyw gyfarfod o'r grŵp llywio drwy roi rhybudd priodol i'r Cadeirydd.

5.1.2. Caiff Swyddogion Gweithredol eraill, Aelodau Annibynnol, swyddogion a chynghorwyr arbennig ymuno yn ôl gofyn y Cadeirydd, yn ogystal ag unrhyw rai eraill o'r tu mewn neu'r tu allan i'r sefydliad y mae Grŵp Llywio'r Fframwaith Gwella Ymyriadau wedi'u Targedu yn credu y dylid eu gwahodd, gan ystyried y materion sy'n cael eu trafod ym mhob cyfarfod.

5.2. Penodi Aelodau

5.2.1. Y Cadeirydd fydd yn penderfynu ar aelodaeth Grŵp Llywio'r Fframwaith Gwella Ymyriadau wedi'u Targedu, gan ystyried y cydbwysedd sgiliau ac arbenigedd sy'n angenrheidiol i gyflawni cylch gwaith Grŵp Llywio'r Fframwaith Gwella Ymyriadau wedi'u Targedu ac yn amodol ar unrhyw ofynion neu gyfarwyddiadau penodol a wneir gan Lywodraeth Cymru. Caiff y Cadeirydd benodi Is-gadeirydd os oes angen.

5.3. Ysgrifenyddiaeth

Ysgrifennydd y Bwrdd fydd yn penderfynu ar yr Ysgrifenyddiaeth.

5.4. Cymorth i Aelodau'r Grŵp

Ar ran y Cadeirydd, bydd Ysgrifennydd y Bwrdd yn trefnu i ddarparu cyngor a chefnogaeth i aelodau Grŵp Llywio'r Fframwaith Gwella Ymyriadau wedi'u Targedu ar unrhyw agwedd sy'n ymwneud â chyflawni eu rôl.

6. CYFARFODYDD GRŴP LLYWIO'R FFRAMWAITH GWELLA YMYRIADAU WEDI'U TARGEDU

6.1. Cworwm

Rhaid i o leiaf dri aelod ymuno â chyfarfod i sicrhau cworwm ar gyfer y Grŵp Llywio.

6.2. Amllder y Cyfarfodydd

Cynhelir y cyfarfodydd unwaith y mis fel arfer, ond gellir eu cynnull ar fyr rybudd os bydd y Cadeirydd yn gofyn am hynny.

6.3. Camu allan o gyfarfod

Caiff Grŵp Llywio'r Fframwaith Gwella Ymyriadau wedi'u Targedu ofyn i'r holl aelodau nad ydynt yn aelodau o'r Bwrdd ond a fyddai'n bresennol fel arall gamu allan er mwyn hwyluso trafodaeth agored a gonest ar faterion penodol.

6.4. Cynnal y Cyfarfodydd

Gellir cynnal cyfarfodydd wyneb yn wyneb os yw'n ddiogel gwneud hynny neu drwy fideo gynadledda a thechnoleg debyg, er mwyn cydymffurfio â'r gofynion cadw pellter cymdeithasol.

7. PERTHYNAS AC ATEBOLRWYDD GYDA'R BWRDD A'I BWYLLGORAU/GRWP IAU

- 7.1. Er bod y Bwrdd wedi dirprwyo awdurdod i Grŵp Llywio'r Fframwaith Gwella Ymyriadau wedi'u Targedu ar gyfer arfer rhai swyddogaethau fel y nodir yn y cylch gorchwyl hwn, mae'n cadw'r cyfrifoldeb a'r atebolrwydd cyffredinol dros gyflawni yn erbyn y Fframwaith Gwella Ymyriadau wedi'u Targedu.
- 7.2. Mae Grŵp Llywio'r Fframwaith Gwella Ymyriadau wedi'u Targedu yn atebol yn uniongyrchol i'r Bwrdd am ei berfformiad wrth arfer y swyddogaethau a nodir yn y Cylch Gorchwyl hwn.
- 7.3. Mae'r gofynion ar gyfer cynnal busnes fel y'u nodir yn y Rheolau Sefydlog yr un mor berthnasol i weithrediad y Grŵp ac eithrio'r cworwm.

8. TREFNIADAU ADRODD A SICRWYDD

- 8.1. Bydd Cadeirydd Grŵp Llywio'r Fframwaith Gwella Ymyriadau wedi'u Targedu yn gwneud y canlynol:
 - 8.1.1. Adrodd yn ffurfiol, yn rheolaidd ac yn amserol i'r Bwrdd llawn ar weithgareddau Grŵp Llywio'r Fframwaith Gwella Ymyriadau wedi'u Targedu;
 - 8.1.2. Sicrhau bod trefniadau uwchgyfeirio priodol ar waith i roi gwybod i'r Bwrdd llawn am unrhyw faterion brys/critigol a allai effeithio ar weithrediad a/neu enw da'r Bwrdd lechyd;

9. ADOLYGIAD

- 9.1. Bydd Grŵp Llywio'r Fframwaith Gwella Ymyriadau wedi'u Targedu yn adolygu'r cylch gorchwyl a'r trefniadau gweithredu hyn yn ôl gofyn y Cadeirydd, ac o leiaf bob 6 mis, a bydd unrhyw newidiadau'n cael eu hargymhell i'r Bwrdd i'w cymeradwyo.

Dyddiad cymeradwyo arfaethedig: /03/2021